

**Te Mahere Aromatawai – 2025  
 Te Hiranga – Te Ao Haka (93700)**

**Te Reo – Student Focused / Kōrero Tuku Iho – Iwi/Tribal focused /  
 Tikanga Aromatawai – Assessment Focused**

<b>Ngā Wāhanga</b>	<b>Ngā Aho</b>
<b>Rangahau</b>	Te reo o tōna ao
<b>Titonga</b>	Te reo o te ao titonga
<b>Whakaaturanga</b>	Te reo o te tinana

<b>Te Reo</b>	
<b>Rangahau</b>	<p>Te reo o te tauira</p> <ul style="list-style-type: none"> <li>• E mōhio ana te tauira ki te whakatakoto i ōna whakaaro he ai ki te horopaki o te rangahau nei.</li> <li>• E taunga ana te tauira ki te whakapuare i ōna mōhiotanga, i ōna māramatanga anō he ai ki ōna wheako rangahau.</li> <li>• He mōhio te tauira ki te arohaehae kaupapa, kimi taunakitanga me te whakapuaki whakaaro motuhake, whakaaro kē hoki.</li> </ul>
<b>Titonga</b>	<p>Te reo o tōna ao titonga.</p> <ul style="list-style-type: none"> <li>• E mārama ana te kite i ngā tikanga tuku iho o te tito waiata/haka nā ōna kaiako, nā ōna kaiārahi haka.</li> <li>• He mōhio te tauira ki te whakatakoto i tōna titonga he ai ki ōna mōhiotanga, he ai ki ōna wheako.</li> </ul>
<b>Whakaaturanga</b>	<p>Te reo o te tinana.</p> <ul style="list-style-type: none"> <li>• E taunga ana te tauira ki te whakaatu i te reo o te tinana he ai ki ōna wheako, he ai ki ōna mōhiotanga ki Te Ao Haka.</li> <li>• He mōhio te tauira ki te whakaatu i te reo o tōna ao haka.</li> <li>• Ko te reo o tōna tinana te ātanga nō ōna kaiako, nō tōna whānau, nō ōna wheako haka, e kaha kitea ana tēnei.</li> </ul>

<b>Kōrero Tuku Iho</b>	
<b>Rangahau</b>	<p>Ngā kōrero ā-iwi.</p> <ul style="list-style-type: none"> <li>E wana ana te tauira ki te rangahau i ngā kōrero ā-iwi/ ā-hapū/ ā-whānau/ ā-kura, ā, e kitea ana tēnei i roto i tana rangahau.</li> <li>E taunga ana te tauira ki te whakapuare i ōna mōhiotanga, i ōna māramatanga anō ki ngā kōrero tuku iho hei taunakitanga mō tōna titonga.</li> <li>He mōhio te tauira ki te whakatakoto taunakitanga nōna, nō tangata kē hoki.</li> </ul>
<b>Titonga</b>	<p>Tuhinga ā-iwi.</p> <ul style="list-style-type: none"> <li>E taunga ana te tauira ki ngā momo kupu/ whakamahinga rerenga a tōna iwi/ hapū/ whānau/ kura anō hoki. E kitea ana tēnei i roto i tana titonga.</li> <li>E autai ana te whakamahi i ngā hanga kōrero, kīwaha, whakataukī, whakataukāki nō tōna iwi.</li> <li>He mōhio te tauira ki te arohaehae kaupapa, me te whakapuaki whakaaro motuhake, whakaaro kē hoki.</li> </ul>
<b>Whakaaturanga</b>	<p>Tū ā-iwi.</p> <ul style="list-style-type: none"> <li>E taunga ana te tauira ki te whakaatu i te momo tū ā-iwi/ ā-hapū/ ā-whānau/ ā-kura i roto i tana whakaaturanga.</li> <li>He mōhio te tauira ki te whakaatu i ngā āhuatanga tāpua o tōna iwi.</li> <li>Ko te reo o tōna tinana te ātanga nō ōna kaiako, nō tōna whānau, nō ōna wheako haka, e kaha kitea ana tēnei.</li> </ul>

<b>Tikanga Aromatawai</b>	
<b>Rangahau</b>	<p>Tikanga Rangahau.</p> <ul style="list-style-type: none"> <li>Ko te whakatakinga kōrero, ko ngā taunakitanga, ko ngā whakaaro o te tauira/ o tangata kē, ko te raupapa rangahau e kitea ana.</li> <li>E whai ana i ngā tohutohu kei te tautuhinga aromatawai rangahau (Tirohia te tautuhinga aromatawai rangahau kei te whārangi NZQA).</li> </ul>
<b>Titonga</b>	<p>Tikanga Titonga.</p> <ul style="list-style-type: none"> <li>E mārama ana ki te tauira ngā tikanga titonga, tōna whakatakoto me tōna whakaraupapa.</li> <li>E whai ana i ngā tohutohu kei te tautuhinga aromatawai titonga (Tirohia te tautuhinga aromatawai titonga kei te whārangi NZQA).</li> </ul>
<b>Whakaaturanga</b>	<p>Tikanga Whakaaturanga.</p> <ul style="list-style-type: none"> <li>E mōhio ana te tauira ki ngā tikanga whakaaturanga he ai ki te whakamātautau nei.</li> <li>E whai ana i ngā tohutohu kei te tautuhinga aromatawai whakaaturanga. (Tirohia te tautuhinga aromatawai whakaaturanga kei te whārangi NZQA).</li> </ul>

<b>Rangahau / Ngā Whakawātanga</b>	<b>Ngā Māka</b>
(R) E autai ana te whakamahi i te reo o tōna ao hei whakaū i tana mōhio, i tana mārama ki te horopaki o te rangahau.	7 - 8
(K) E taunga ana te whakatau i ngā kōrero tuku iho, i ngā kōrero ā-iwi, i ngā pūrākau hei whakaū i te māramatanga, i te mōhiotanga ōna ki te horopaki o tana rangahau.	7 - 8
(T) Kua whaia ngā tikanga rangahau ki tōna taumata tiketike. Ko te whakatakinga kōrero, ko ngā taunakitanga, ko ngā whakaaro o te taura/ o tangata kē, ko te raupapa rangahau e tino kitea ana.	7 - 8
(R) Kua maia te whakamahi i te reo o tōna ao ki te whakaraupapa i ngā kōrero. Kua maia hoki te karawhiu i ngā taunakitanga.	5 - 6
(K) Kua kaha te whakatakoto i ōna mōhiotanga, i ōna māramatanga anō ki ngā kōrero tuku iho.	5 - 6
(T) Kua maia te whai i ngā tikanga aromatawai mō te rangahau.	5 - 6
(R) Kua puta i te taura te reo o tōna ao i tana rangahau, ahakoa i ētehi wā e nanu ana te takoto mai o ngā kōrero, e hāngai tonu ana ōna whakaaro ki te aronga o te rangahau.	3 - 4
(K) Kua puta i te taura ētehi mōhiotanga mō ngā kōrero tuku iho o tōna iwi i roto i tana rangahau.	3 - 4
(T) Kua ngana ki te whai i ngā tohutohu kei te tautuhinga aromatawai rangahau.	3 - 4
Kāore anō kia whakaaro whānui ki tāna i rangahau ai. He nui ngā hapa, kāore hoki i tika te raupapa mai o tana rangahau.	2
Kāore he paku taunaki, kaore hoki he raupapa rangahau. Kāore he pātanga ki te kaupapa.	1
Karekau he hua, kaore hoki he rangahau.	0

<b>Te Titonga / Ngā Whakawātanga</b>	<b>Ngā Māka</b>
(R) Kua mātau te tauira ki te whakanikoniko i ōna whakaaro ki tana titonga waiata/haka. E mārama ana te kite i ngā tuku ihotanga o te tito waiata/haka nā tōna iwi, nā ōna kaiako, tumu haka anō hoki. He Māori te rere o ngā kupu me te rangi.	7 - 8
(K) E taunga ana te whakaū i ngā kōrero tuku iho: ngā hanga kōrero, ngā pūrākau, ngā kiwaha, whakatauākī, whakatauī, kupu ā-iwi nō tōna rohe, hei whakawhenua i tana titonga.	7 - 8
(T) Kua whaia ngā tikanga titonga ki tōna taumata tiketike, ko tōna whakatakoto, ko tōna whakaraupapa anō tērā. Kua autaia hoki tana whai i ngā tautuhinga aromatawai titonga.	7 - 8
(R) He mōhio te tauira ki te whakatakoto i tōna titonga he ai ki ōna mōhiotanga, he ai ki ōna wheako tito. Kua raweke te whakatakoto kupu, te whakatau rangi/taki anō hoki i roto i tana ao titonga.	5 - 6
(K) E autaia ana te whakamahi i ngā momo kōrero/ rerenga/ kupu nō tōna iwi hei whakatau māna i roto i tana ao titonga.	5 - 6
(T) Kua maia te whai i ngā tikanga aromatawai mō te titonga.	5 - 6
(R) Kua whakaputa whakaaro e te tauira tētehi waiata/haka i roto i tana ao titonga. Ahakoa kaore ngā kupu, te rangi rānei i wana, i eke, kei reira tonu e mau ana ko ngā tikanga o te titonga.	3 - 4
(K) Kua tāpaetia atu he paku kōrero ā-iwi hei kai mā tana titonga.	3 - 4
(T) Kua ngana ki te whai i ngā tohutohu kei te tautuhinga aromatawai titonga.	3 - 4
Kāore anō kia whakaaro whānui ki tāna i tito ai. He nui ngā hapa, kāore hoki i tika te raupapa mai.	2
Kāore he paku taunaki, kaore anō kia oti te tuhi i tana titonga.	1
Karekau he hua, kaore hoki he titonga.	0

<b>Te Whakaaturanga / Ngā Whakawātanga</b>	<b>Ngā Māka</b>
(R) Ko te reo o tōna tinana he ātanga nō ōna kaiako, nō tōna whānau, nō ōna wheako haka anō hoki. Ko te reo whakaputa a te ringa, a te kanohi, a te ngākau, a te wairua kua eke ki te taumata.	- 8
(K) E taunga ana te tauira ki te whakaatu i te momo tū ā-iwi/ ā-hapū/ ā-whānau/ ā-kura i roto i tana whakaaturanga. He mōhio te tauira ki te whakaatu i ngā āhuatanga tāpua o tōna iwi. Ko te reo o tōna tinana te ātanga nō ōna kaiako, nō tōna whānau, nō ōna wheako haka, e kaha kitea ana tēnei.	7 - 8
(T) Kua autaia te whai i ngā tikanga whakaaturanga ki tōna taumata tiketike, ko tana kawē, ko tana tū, ko tana waiata/haka kei tawhiti. Kua autaia hoki tana whai i ngā tautuhinga aromatawai whakaaturanga.	7 - 8
(R) Kua maia te karawhiu i te reo o te tinana he ai ki ōna wheako, he ai hoki ki ōna mōhiotanga ki Te Ao Haka.	5 - 6
(K) E taunga ana te tauira ki te whakaatu i te momo tū ā-iwi/ ā-hapū/ ā-whānau/ ā-kura i roto i tana whakaaturanga. E maia hoki ana tana whakamahi i ngā āhuatanga ā iwi hei whakakōrero i tana titonga.	5 - 6
(T) Kua maia te whai i ngā tikanga aromatawai mō te whakaaturanga.	5 - 6
(R) Kua whakaatu te tauira i te reo o te tinana he ai ki tōna ao haka.	3 - 4
(K) Kua whakaatu te tauira i ētehi āhuatanga e hāngai ana ki te tū ā-iwi, ki te tū ā-kapa hoki.	3 - 4
(T) Kua ngana ki te whai i ngā tohutohu kei te tautuhinga aromatawai whakaaturanga.	3 - 4
Kāore anō kia whakaaro whānui ki tāna i whakaatu ai. He nui ngā hapa, kāore hoki i tika te karawhiu mai i tana whakaaturanga.	2
Kāore i te tino mōhio ki tana titonga, kaore hoki he wairua Māori tō te karawhiu.	1
Karekau he hua, kaore hoki i whakaatu i tana titonga.	0

## Whakataunga

Te Hiranga (Scholarship)	Te Karamatamata mō Te Hiranga (Outstanding Scholarship)
19 - 20	21 - 24

## Te Paerewa (The Standard) & Tautuhinga (Specifications)

- <https://www2.nzqa.govt.nz/ncea/subjects/scholarship-subjects/te-ao-haka/>